



Cuba's COOKIN'

BOHEMIAN NIGHT

"El Gordo" & Son By 3 ta presenta musica live,
cuminsando Diarason for di 10pm - 2am.
Dinner 7 - 10pm.

ESAKI TA MIHOR FIESTA

Cuban Bar & Grill
Wilhelminastraat #27 Downtown Oranjestad • Reservations: 5880627

Awe tin presentacion di buki "Tera di silencio" na Biblioteca Nacional

ORANJESTAD (AAN) – Awe, diarazon 4 di februari lo tuma lugar e presentacion di un novela di e conocido escritor y poeta Arubano Quito Nicolaas. E novela aki ta na Papiamento y ta titula

"Tera di Silencio". E evento lo tuma lugar na Biblioteca Nacional Oranjestad, pa 8'or di anochi.

E novela ta trata di e hoben Rene, kende ta regresa su pais pa yuda construi un

sociedad contemporaneo. Rene ta haya su pais den un situacion di decadencia y ta descubri e cambionan y e impacto cu esaki tin riba e cultura y relacion humano. Su manera di pensa, ta producto di su educacion na cas, su formacion na Europa y orientacion humanista. Diferente acontecimiento, entre otro, e asesinato di John F. Kennedy, a influencia e hoben su bida aki na edad di ocho aña.

E historia y cultura di su pais, apesar di ta adopta normanan universal, nunca el a ignora. Bao di palo den Santa Fe, Rene y su amigonan sa hunga

e wega di e piedranan di suerte.

E figuranan geometrico cu esakinan tabata forma, tabata pronostica e suerte den bida. E cuestion di tereno den famia tabata e motibo cu Rene a sali na interes di e cunukeronan di Santa Fe.

E storia ta ser conta a base di e pensamiento y recuerdonan di Rene. Intercambia cu e voz di su mayornan, un mundo nobo ta ser descubri cual ta relata e pasado di e hoben aki. E diferencia entre realidad, ficcion y imaginacion ta mescos cu un linea fini cu ta resulta dificil

pa gara den bo man.

E escritor mas bien ta conoci pa su tomonan di poesia na Papiamento y Hulandes. Pero tambe pa su storianan di Pasco. Na Hulanda el a yega di declama den diferente teatro manera, entre otro, Theater De Kubus, Cosmic Theater, off-Corso Theater y Theater De Bouwkunde. Aña pasa el a actua durante e festival di Winternachten na Den Haag pa un publico di miles di persona.

Despues di e presentacion e autor lo firma su buki pa interesadonan y tambe por conversa cu su persona.